



DARUL IFTA WAL IRSHAD
SHAHPORE, SURAT

Bab : Batil Firqe

Fasl : Jamat E Islami

Sawal No : 37

Upload Date : 11-09-2023

Topic : Jama'ate Islami Shariat Ki Roshni Me

Sawal : Aaj Kal Ek Jama'at Cha Padi He, Jis Ko Sayyad Abul Aa'ala Moududi Sahab Ne Jari Kiya Hai, Uski Haqiqat Kya He ?

Jawab : Sayyad Abul Aa'ala Moududi Sahab Ne Naye Tarz Me Islam Ki Jo Tashrihaat (Wazahat) Ki He, Wo Ahle Sunnat Wal Jamaat Ke Aam Maslak Se Hati Hui He, Unki Ek Choti Si Kitab He, Jis Ka Name He "Quran Ki Char Bunyadi Istilahe" Us Ko Samne Rakh Kar Janab Wahiduddin Khan Sahab Ne Eatarazat (Objections) Aur Shubhaat Pesh Kiye, Hindustani Jama'at E Islami Ke Bade Hazraat Ko Khutut Likhe, Magar Kisi Ne Jawaab Dekar Itminaan Nahi Dilaya, Balke Unke Eatarazat (Objections) Se Sakht Narazgi Ka Izhar Kiya, Phir Sayyad Abul Aa'ala Moududi Sahab Ki Khidmat Me Woh Eatarazat Bheje, Aur Wada Kiya K Me Samajhne Ke Liye Unke Jawabaat Chahta Hu, Samajh Me Aajane Par Zarur Qubool Karunga, Aur Khuda Ka Wasta Dekar Jawabaat Likhne Ki Darkhwast Ki, Magar Moududi Sahab Ne Unko Mashwara Diya Ke, Aap Jama'at Se Alag Ho Jaye, Halake Ye Choudah (14) Saal Se Jama'at Ki Taraf Se Nashr O Isha'at Ke Zimmedaar Aur Bahot Aham Karkun The

Sab Ki Taraf Se Mayus Ho Kar Woh Jama'at Se Juda Ho Gaye, Aur Unhone "Tabir Ki Galati" Kitab Publish Ki, Vo 500 Se Zyada Pages Par He, Us Me Woh Sab Khat O Kitabat Bhi He, Jo Jama'at Ke Zimmedaro Se Is Silsile Me Kiye He, Aur Us Me Batlaya He " Islam" Ki Jo Wazahat Moududi Sahab Ne Ki He, Wo Quran Ke Bilkul Khilaf He. Isi Tarah "Rab" Ka Jo Mafhum Moududi Sahab Ne Batlaya He, Wo Bhi Uske Khilaf He, Jo K Qur'an Karim Se Sabit He. (Fatawa Mahmudiya 2/148) Lihaza Musalmano Ko Chahiye, Ke Aesi Jamat Aur Aesi Bato Se Apne Aap Ko Bachaye. Fakt - Allah Ta'ala Sabse Zyada Janne Wale Hai.

Ye Jawab Darul Ifta Wal Irshad, Shahpore, Surat Ki Official Website
www.suratifta.com Se Download Kiya Huwa Hai.



© Copyright 2023 DARUL IFTA WAL IRSHAD
Development By : IBNE ASIF GRAPHICS & DIGITAL PARTNER